

## Opis posla

### I. Pozicija

|                                    |                                                                                         |
|------------------------------------|-----------------------------------------------------------------------------------------|
| Naziv pozicije:                    | Stručnjak/stručnjakinja za pružanje usluga evaluacije projekta (jedna pozicija)         |
| Projekat:                          | "Virtualna sjećanja: Borba protiv institucionalnog otpora inkluzivnoj memorijalizaciji" |
| Lokacija:                          | Sarajevo, Bosna i Hercegovina                                                           |
| Polje ekspertize:                  | evaluacija, tranzicijska pravda                                                         |
| Tip ugovora:                       | Ugovor o djelu/ugovor po poslovnoj saradnji                                             |
| Trajanje:                          | Od augusta 2026. godine do septembra 2026. godine (30 dana)                             |
| Prisustvo u kancelariji BIRN-a BiH | Neobavezno                                                                              |

### II. Opis posla i svrha ugovora

U okviru projekta „Virtualna sjećanja: Borba protiv institucionalnog otpora inkluzivnoj memorijalizaciji“ (u daljem tekstu: Projekat), koji implementiraju BIRN BiH i ProPeace BiH uz finansijsku podršku Evropske unije u Bosni i Hercegovini, razvija se inovativna digitalna platforma koja objedinjuje sudski utvrđene činjenice, svjedočanstva žrtava i multimedijalne sadržaje o lokacijama ratnih zločina u Bosni i Hercegovini, s ciljem unapređenja kulture sjećanja i jačanja procesa tranzicijske pravde. Projekt ima za cilj unaprijediti javno razumijevanje ratnih zločina i procesa tranzicijske pravde kroz promociju sudski utvrđenih činjenica, suprotstaviti se historijskom revizionizmu, negiranju ratnih zločina i genocida te doprinijeti razvoju inkluzivnijih praksi memorijalizacije koje u središte stavljaju iskustva i prava žrtava. Kroz razvoj mobilne aplikacije, izradu virtualnih 3D memorijala, produkciju multimedijalnih sadržaja, istraživanje i zagovaračke aktivnosti, projekt nastoji povećati dostupnost vjerodostojnih informacija o ratnim zločinima te osnažiti dijalog između institucija, organizacija civilnog društva, žrtava i lokalnih zajednica. Primarne ciljne grupe projekta su žrtve ratnih zločina i članovi njihovih porodica, lokalne vlasti i nadležne institucije, organizacije civilnog društva koje djeluju u oblasti ljudskih prava i tranzicijske pravde, mladi i studenti, mediji te stručna i šira javnost. Projekt je usmjeren na jačanje kapaciteta navedenih aktera za korištenje sudski utvrđenih činjenica u procesima memorijalizacije,

zagovaranja i javnog informisanja, s ciljem doprinosa izgradnji inkluzivnije kulture sjećanja i dugoročnog mira u Bosni i Hercegovini.

### III. Dužnosti i odgovornosti:

Ovim TOR-om definiraju se dužnosti i odgovornosti fizičkog lica koje će biti angažirano na pružanju usluga završne evaluacije projekta „Virtualna sjećanja: Borba protiv institucionalnog otpora inkluzivnoj memorijalizaciji“.

U okviru ovog poziva BIRN BiH traži jednog stručnjaka/stručnjakinju za pružanje usluga evaluacije projekta. Angažirani stručnjak/stručnjakinja bit će odgovoran/odgovorna za osmišljavanje i provođenje završne evaluacije projekta, s ciljem procjene stepena ostvarenosti projektnih ciljeva, kvaliteta implementacije projektnih aktivnosti, ostvarenih rezultata, izazova tokom implementacije, naučenih lekcija te održivosti projektnih rezultata. Stručnjak/stručnjakinja će evaluaciju provoditi u bliskoj saradnji s projektnim timom BIRN-a BiH, uz puno uvažavanje specifičnog društveno-političkog konteksta u kojem je projekat implementiran. U okviru angažmana očekuje se primjena odgovarajućih kvalitativnih i kvantitativnih evaluacijskih metoda koje će omogućiti objektivnu procjenu učinaka projekta, kao i izradu preporuka za unapređenje budućih intervencija u oblasti tranzicijske pravde, memorijalizacije i suočavanja s prošlošću.

Odabrani stručnjak/stručnjakinja će tokom trajanja angažmana biti u redovnoj komunikaciji s projektnim menadžerom BIRN-a BiH, koji će pružati potrebnu dokumentaciju, koordinirati pristup relevantnim akterima i osigurati da se aktivnosti provode u skladu s dogovorenim planom i rokovima.

Orijentacioni plan provođenja aktivnosti u okviru predmetnog angažmana, s uključenim obrocima plaćanja, nalazi se u tabeli ispod.

| R.b. | Aktivnost                                                                                                                         | Okvirni rok     | Obrok plaćanja |
|------|-----------------------------------------------------------------------------------------------------------------------------------|-----------------|----------------|
| 1.   | Izrada i usaglašavanje metodologije evaluacije                                                                                    | August 2026.    | 20%            |
| 2.   | Prikupljanje i analiza relevantne projektne dokumentacije, provođenje evaluacijskih aktivnosti i konsultacija s ključnim akterima | Septembar 2026. | 50%            |
| 3.   | Izrada, dostavljanje i usvajanje finalnog evaluacijskog izvještaja                                                                | Septembar 2026. | 30%            |

Odgovornosti stručnjaka/stručnjakinje za evaluaciju uključuju:

- usaglašavanje metodologije evaluacije i izradu plana provođenja evaluacijskih aktivnosti;
- zaprimanje, pregled i analizu relevantne projektne dokumentacije i svih dostupnih podataka o realiziranim aktivnostima;

- evaluaciju prikupljenih podataka te analizu ostvarenih rezultata u odnosu na ciljeve, očekivane ishode i indikatore projekta;
- provođenje evaluacijskih aktivnosti s ciljnim grupama, partnerima, članovima projektnog tima i drugim relevantnim akterima, uključujući intervju, fokus grupe ili druge odgovarajuće metode prikupljanja podataka;
- pripremu potrebnih obrazaca i alata za provođenje evaluacije;
- pravovremeno informiranje menadžmenta projekta o toku evaluacijskog procesa i eventualnim izazovima u provođenju evaluacije;
- izradu završnog evaluacijskog izvještaja koji će sadržavati nalaze, zaključke, naučene lekcije i preporuke za buduće projektne intervencije;
- obavljanje drugih poslova iz domena evaluacije, prema dogovoru s menadžmentom projekta.

Angažirani stručnjak/stručnjakinja bit će u obavezi osmisliti evaluacijski pristup koji će, pored procjene ostvarenih rezultata projekta, uzeti u obzir širi društveni i institucionalni kontekst u kojem je projekat implementiran. Kroz primjenu odgovarajućih evaluacijskih metoda potrebno je osigurati da završna evaluacija pruži kvalitetne nalaze o relevantnosti, efikasnosti, efektivnosti, održivosti i potencijalnom dugoročnom utjecaju projekta, te identifikuje preporuke koje mogu doprinijeti unapređenju budućih projekata u oblasti tranzicijske pravde i inkluzivne memorijalizacije.

## IV. Kvalifikacije

Obrazovanje:

- Postdiplomski studij iz oblasti društvenih nauka

Radno iskustvo:

- Minimalno pet godine radnog iskustva na pružanju evaluacijskih usluga
- Iskustvo rada u oblasti tranzicijske pravde bit će tretirano kao prednost

Vještine:

- Odlično razumijevanje kontekstualnog pristupa evaluaciji;
- Visok nivo profesionalne etike, osjetljivosti na kontekst i sposobnosti prilagođavanja;
- Izražene komunikacijske i analitičke vještine;
- Sposobnost samostalnog rada i poštivanja rokova
- Analitika, kvalitativno i kvantitativno istraživanje, poznavanje software (spss, stata ili sl);

Jezik:

- bosanski/hrvatski/srpski i engleski

Svi zainteresirani trebaju dostaviti:

1. Pismo namjere;
2. Prijedlog metodologije rada, s prijedlogom rokova i načina provođenja aktivnosti;
3. Biografiju evaluacijskog stručnjaka/kinje. Iskustvo rada u domenu tranzicijske pravde bit će tretirano kao prednost;
4. Potvrdu o obrazovanju u vidu diplome koju kandidat/kandidatkinja posjeduje;
5. Potvrdu u formi izjave u slobodnom formatu da stručnjak/stručnjakinja ima tri prethodna realizirana ugovora sa iznosima istim ili sličnim navedenim u okviru finansijske ponude koja je predmetom ovog poziva;
6. Kontakti (tri reference): ime, prezime, svojstvo, e-mail i kontakt-telefon;
7. Finansijsku ponudu: navesti iznos za cjelokupni angažman, uključujući sve pripadajuće poreze.